

დამტკიცებულია

შპს თაობის დირექტორის მიერ

06.09.2022 წ. №01-04/18 ბრძანებით

შპს თაობა

მშობელთან ურთიერთობის დებულება

ქ. ბათუმი

2022 წელი

მშობელთან ურთიერთობის დებულება

1. შესავალი

მშობლის მონაწილეობა შვილის განათლების პროცესში ძალიან მნიშვნელოვანია, რაც საბოლოოდ მოსწავლის განვითარებაზე და მოსწრებაზე დიდ გავლენას ახდენს. მოსწავლეები, რომელთა მშობლებიც აქტიურად მონაწილეობენ საგანმანათლებლო პროცესში, უკეთეს შედეგებს აღწევენ, აქვთ უფრო მაღალი აკადემიური მოსწრება, გამოირჩევიან პოზიტიური ქცევითა და სკოლისადმი კეთილგანწყობით. მშობელთა აქტიური ჩართულობა დადებითად აისახება სასკოლო საზოგადოებაზე, მასწავლებლებზე, მშობლებს/კანონიერ წარმომადგენლებსა და მოსწავლეებზე. წარმატებული სასწავლო პროცესის ერთ-ერთი მნიშვნელოვანი კომპონენტი მასწავლებელსა და მშობელს/კანონიერ წარმომადგენელს შორის ნდობასა და ურთიერთპატივისცემაზე დამყარებული კომუნიკაციაა.

2. დებულების მიზანი

წინამდებარე დებულების მიზნებია:

- მშობელთა/კანონიერი წარმომადგენლის ჩართულობის ხელშეწყობა სასკოლო ცხოვრებაში;
- მშობელთა დროული ინფორმირება სკოლის მიერ დაგეგმილი ღონისძიებების, აქტივობების და სხვა მიმდინარე მოვლენების თაობაზე;
- მშობლებს/კანონიერ წარმომადგენლებსა და მასწავლებლებს შორის კომუნიკაციის ხელშეწყობა;
- მშობლების დროული ინფორმირება მოსწავლის აკადემიურ მოსწრებასა და სოციალურ, ემოციურ თუ ინტელექტუალურ განვითარებასთან დაკავშირებული საჭიროებების თაობაზე;
- კეთილგანწყობილი, მაღალი პასუხისმგებლობით აღსავსე, ურთიერთპატივისცემაზე დამყარებული დამოკიდებულების ჩამოყალიბება;
- სასწავლო პროცესის მოსწავლის ინდივიდუალურ საჭიროებებზე მორგების ხელშეწყობა;

3. მასწავლებლის/დამრიგებლის ვალდებულებები მშობლებთან ურთიერთობისას

მასწავლებელი/დამრიგებელი ვალდებულია:

- დაამყაროს მშობლებთან/კანონიერ წარმომადგენლებთან ურთიერთპატივისცემასა და ნდობაზე დამყარებული ურთიერთობა;
- შეხვდეს მშობელს/კანონიერ წარმომადგენელს დადებითი განწყობით და სათანადო დრო გამოყოს მასთან საუბრისთვის;

- დროულად მიაწოდოს მშობლებს/კანონიერ წარმომადგენლებს ინფორმაცია მოსწავლის აკადემიურ მოსწრებასა და სოციალურ, ემოციურ თუ ინტელექტუალურ განვითარებასთან დაკავშირებული საჭიროებების თაობაზე;
- ხელი შეუწყოს მშობელთა აქტიური ჩართულობას და წახალისოს სასარგებლო ინციატივები;
- წინასწარ განსაზღვრული კომუნიკაციის ფორმის შესაბამისად ინტენსიურად ეკონტაქტოს მშობლებს/კანონიერ წარმომადგენლებს;
- მშობელთან ურთიერთობის დროს (მიმოწერისას ან საუბრისას) პირველ რიგში მოსწავლის დადებითი მხარეების წარმოაჩინოს და მხოლოდ ამის შემდეგ განიხილოს პრობლემური საკითხები.
- მშობლისთვის/კანონიერი წარმომადგენლისთვის ინფორმაციის მიწოდების დროს არ დაუშვას მოსწავლის ღირსებების შელახვა, უხეშობა.
- სასწავლო წლის დასაწყისშივე მიაწოდოს ინფორმაცია მოსწავლესა და მშობელს/კანონიერ წარმომადგენელს მოსწავლის მიერ გაკვეთილების გაცდენის შემთხვევაში სავარაუდო შედეგების შესახებ.

4. მშობლის/კანონიერი წარმომადგენლის ვალდებულებები

მშობლის/კანონიერი წარმომადგენლის ვალდებულია:

- უზრუნველყოს შვილისათვის სწავლისა და აღზრდის შესაბამისი პირობები.
- უზრუნველყოს მოსწავლის დასწრება გაკვეთილებსა და სავალდებულო სასკოლო აქტივობებზე/ღონისძიებებზე;
- გაკვეთილების გაცდენის შემთხვევაში წინასწარ შეატყობინოს დამრიგებელს;
- ხელი შეუწყოს შვილს სწავლაში და აკონტროლოს მისი მომზადების ხარისხი;
- სკოლის ადმინისტრაციასთან და მასწავლებლებთან ურთიერთობისას დაიცვას ეთიკის ნორმები;
- აქტიურად ითანამშრომლოს სკოლის მასწავლებლებთან და ადმინისტრაციასთან;
- შეასრულოს ამ დებულებით, სკოლის შინაგანაწესით და დირექტორთან დადებული ხელშეკრულებით განსაზღვრული პირობები;
- შეასრულოს კანონმდებლობის მოთხოვნებით გათვალისწინებული ფინანსური ვალდებულებები სკოლის წინაშე;
- აანაზღაუროს მის ან/და მისი შვილის მიერ სკოლისათვის მიყენებული მატერიალური ზარალი;

მშობლის/კანონიერი წარმომადგენლის უფლებებია:

- მოითხოვოს სასწავლო პროცესში მონაწილე პირებისაგან მათთვის დაკისრებული მოვალეობების ჯეროვნად შესრულება;
- მიიღოს ინფორმაცია მასწავლებლისა და სკოლის ადმინისტრაციისაგან სკოლის ფუნქციონირების ნებისმიერ საკითხზე, რომელიც დაკავშირებულია მისი შვილის სწავლაგანათლებასთან;
- მოითხოვოს მოსწავლის ობიექტური შეფასება;

- მოითხოვოს ინფორმაცია მოსწავლის აკადემიურ მოსწრებისა და სხვადასხვა აქტივობებში/ლონისძიებებში ჩართულობის თაობაზე;
- მოითხოვოს ნებისმიერი საკითხის განხილვა მშობელთა კრებაზე.

5. მშობლებთან/კანონიერ წარმომადგენლებთან ურთიერთობის ფორმები

- სკოლის საქმიანობისა და სასწავლო-აღმზრდელობითი მუშაობის შესახებ ინფორმაცია მშობელს/კანონიერ წარმომადგენელს მიეწოდება მშობლებთან შეხვედრებზე კლასის დამრიგებლის მეშვეობით;
- შეხვედრები მშობელს, მოსწავლესა და მასწავლებელს/დამრიგებელს შორის, მიზნად ისახავს მოსწავლის მხარდაჭერასა და წახალისებას სასწავლო პროცესში. შეხვედრებისას ხდება სასწავლო-სააღმზრდელო საკითხებთან დაკავშირებით მოსაზრებების გაზიარება.
- თითოეულ კლასში მშობლებთან სავალდებულო შეხვედრა ტარდება სასწავლო წლის დასაწყისში და ყოველი სემესტრის ბოლოს;
- მოსწავლის აკადემიური მოსწრებას, ქცევასთან და სასწავლო პროცესში დასახული მიზნების განხორციელებასთან დაკავშირებული საკითხები განიხილება მშობლებთან ინდივიდუალურ შეხვედრებზე;
- საგნის მასწავლებელს სკოლის დირექტორთან, ან კლასის დამრიგებელთან შეთანხმებით უფლება აქვს დაიბაროს სკოლაში მშობელი;
- სკოლაში წარმოებს „განცხადებების დაფა“, სადაც განთავსდება მშობლისათვის საინტერესო ინფორმაცია, სიახლეები, დაგეგმილი შეხვედრებისა და ღონისძიებების გრაფიკი;
- მასწავლებელი არჩევს მშობლისთვის სასურველ კომუნიკაციის საშუალებას (სატელეფონო ზარი, SMS შეტყობინება, ელექტრონული ფოსტა, წერილის გაგზავნა და ა.შ.);
- თუ დაბარების მიუხედავად მშობელი ვერ მოდის სკოლაში, მასწავლებელი ვალდებულია სატელეფონო ზარით შეატყობინოს მას მოსწავლის მოსწრებები და საჭიროებები;
- სკოლის ელექტრონული ჟურნალი, სოციალური ქსელი, სკოლის გვერდი წარმოადგენს მშობლებთან კომუნიკაციის საშუალების ერთ-ერთ სახეს.
- ელექტრონული ჟურნალის საშუალებით, მშობელს ნებისმიერ დროს აქვს შესაძლებლობა, გაეცნოს მისი შვილის აკადემიურ მოსწრების შესახებ ინფორმაციას.

6. მშობლისათვის/მოსწავლისათვის სავალდებულო მისაწოდებელი ინფორმაცია

დამრიგებელი ყოველი სასწავლო წლის დასაწყისში მშობელს/მოსწავლეს აწვდის ინფორმაცია და აცნობს შემდეგ დოკუმენტებს:

- სკოლის შინაგანაწესი;
- მოსწავლის ქცევის კოდექსი;
- სახელმძღვანელოების ნუსხა;

- უსაფრთხოების წესები;
- სასწავლო პროგრამები;
- სადამრიგებლო პროგრამა;
- ბიბლიოთეკით სარგებლობის წესი;
- და სხვა.

პირველ მშობელთა კრებაზე დამრიგებლის მოწვევით, თითოეული საგნის მასწავლებელი მოსწავლეების მშობლებს/კანონიერ წარმომადგენლებს აცნობს შეფასების პრინციპებსა და კრიტერიუმებს.